

# Prentsa oharra

## Nota de prensa



### **En Tol Sarmiento, Huntza, El Drogas eta Antonio Carmona Sagueseko kontzertuetako protagonistak**

Sofía Ellar, Gari & Maldanbera + Hertzainak ikuskizuna, Bulego, eta Danny Ocean dira proposamena osatzen duten artistak

Sagueseko agertokiak dar-dar egingo du berriz Aste Nagusian. Gusto guztietarako proposamena prestatu du Donostia Festatek Aste Nagusian musikazalez betetzen den punturik esanguratsuenen.

Donostiako alkate Eneko Goiak eta Kultura zinegotzi Jon Insaustik “bertako artista ospetsuak zein nazioartekoak uztartzen dituen musika programa zabala”-ren berri eman dute gaur.

Abuztuaren 12tik 19ra bitartean kontzertu bat izango da egunero, kasu guztietan 23:45ean hasita.

#### **EN TOL SARMIENTO - ETS. Abuztuak 12**

ETS, Euskal Herriko musika talde entzunenetarikoa da eta euskal musikaren gaur egungo fenomeno garrantzitsuenetako bat. Beraien melodia itsaskorrek geroz eta publiko zabalago batera heltzea lortu dute. 2012. urtean lehen disko profesionala grabatu zuen, eta egun euren azken diskoa aurkezten ari da. Gainera, zuzeneko indartsu eta kementsua dute, eta publikoaren zati handi bat dantzaraztea, irribarre egitea eta hunkitzea lortzen dute.

#### **SOFÍA ELLAR. Abuztuak 13**

Bere kabuz ekoizitako hiru diskorekin, Sofía Ellar artista autoeditatua bihurtu da. Arrakasta sare sozialetan hasten da, hala nola Instagram (350.000 jarraitzaile), Spotify (1.000.000 entzule baino gehiago ditu hilean) eta YouTube (70.000.000 ikuspen baino gehiago). 2017. urteko otsailean kaleratu zuen bere lehen diskoa, “Seis Peniques”, eta urtebete geroago, 2018ko otsailean, bigarren lana aurkeztu zuen, eta, haren atzetik, hirugarren lana, disko- liburu formatuan, eta “Libre” izenburupean.

#### **Gari & Maldanbera + Hertzainak taldearen errepertorioa ikuskizuna. Abuztuak 14**

“GARI&Maldanbera + Hertzainak ”, errepertorio bikoitzeko emanaldi berezia da. Alde batetik, Garik, Maldanbera taldearekin batera, bere bakarkako ibilbideko azken 30 urteetako abesti ezagunenak erreparasatuko ditu. Eta, bestalde, ikuskizunean zehar, Alos Quartet harizko laukotea, Xabier Aburruzaga trikiarekin eta tronboia, tronpeta eta

# Prensa oharra

## Nota de prensa



saxoa batuko dira agertokian. Horiekin guztiekin Hertzainak talde mitikoaren 40. urteurreneko errepertorioaz gozatzeko aukera izango dugu.

### **EL DROGAS. Abuztuak 15**

Enrique Villareal, abeslaria, baxu-jolea eta Barricada taldea desagertuen burua, rock and rollaren mundu guztiak maite duen pertsonaia da. Bakarkako diskografia 'Libros prestadas' (2012) akustikoarekin hasi zen, eta urte horretan bertan argitaratu zuen El Drogas izeneko EP bat. Urte bat beranduago "Demasiado tonto en la corteza kaleratu zuen; musika arloko rock erraiaren nahasketa eta letretako lirismo nabarmena. Ondoren, "Sombras que la luz grita" (2016), "Solo quiero brujas en esta noche sin compañía" (2019) eta "El largo sueño de una polilla" (2022). Desagertzeko zorian dagoen rock-animalia bat.

### **BULEGO. Abuztuak 16**

Azkoitian 2019an sortuta, Bulego taldea Tomas Lizarazuk (ahotsa), Rubén Lizarralde (gitarra) eta Xabier Arrietak (bateria) osatzen dute. Talde euskaldun honen pop bizi eta argitsuak ikusle gero eta leialagoak harritzea lortu du. Bere kideen estetika eta musika energiak, entzuleak harritzeko grina nekaezinaz gain, euskal musikaren esparruan etorkizun oparo bihurtzen ditu.

### **DANNY OCEAN. Abuztuak 17**

Daniel Morales, Danny Ocean izenaz ezagunagoa, musika latindar, regueton, dancehall eta moombahtoneko kantautore venezuelarra da. Miamin bizi da, eta erabat ezezaguna izatetik hiriko musikako izar izatera pasatu zen. Artista, oso garai laburrean, ospe izugarria lortu duen fenomeno global bihurtu da. 2016. urtean "Me Rehúso" gaia atera zuen, Latinoamerikan hamarkadako kantarik entzunena bihurtu zena.

### **HUNTZA. Abuztuak 18**

Huntza 2014an Bilboko kaleetan sortutako musika taldea da. Unibertsitateko giroan bildutako Gipuzkoako sei gaztek osatzen dute eta beraien helburua, sortzen duten musika Euskal Herri osora zabaltzea da. Orain, ia hamar urteko ibilbidearen ondoren, banantzearen berri eman dute. "Azkena izan balitz bezala" izenburupean, Huntzak hitzematen du entzuleek gozatuko dutela geratzen zaien emanaldi bakoitzarekin, eta Saguesena izango da horietako bat. Huntzak ia hamar urte bete ditu bere melodiak, trikitia eta euskara Euskal Herriko eta munduko txoko askotara eramaten, euskal folka eta pop-aren inguruko harmonia eta erritmoak bateratuz.

# Prentsa oharra

## Nota de prensa



### **ANTONIO CARMONA. Abuztuak 19**

Ketama taldeko abeslari gisa 20 urte baino gehiago eman ondoren (milioi bat disko saldu zituen), 2006an, Antonio Carmona abeslari granadatarrak bakarka argitaratu zuen bere debuta: "Vengo venenoso". Konpositore handi bat izateaz gain, ahots oso pertsonala eta perkusionista duen abeslaria da.

### **Aste Nagusiaren kartela**

Denetik Denontzat izenburupean Diego Gil Hernando da 2023ko Aste Nagusiaren kartelaren egilea.

Trazadura geometrikoko kartela, Donostiako eta bere Aste Nagusiko elementu adierazgarrienak eta ezagunenak eskematikoki eta mosaiko handi baten modura irudikatu dituena. Hiriak eskaintzen duen jaietako jardueren aniztasuna irudikatzen du (erraldoi eta buruhandien konpartsa, su artifizialak, atrakzioak...). Erabiltzen den gama kromatikoa kolore lau eta biziak dira, jai-giroa transmititzen dutenak, urdin nagusiekin eta gure hiriari lotuak.

Diego Gil Hernando Burgosko barnealdeko arkitektoa da, eta gaur egun era guztietako diseinu-lanak egiten ditu: kartelak, logotipoak... Azken urteotan sari ugari jaso ditu lehiaketa askotan.

Donostia, 2023ko ekainak 9